




Bosna i Hercegovina  
Босна и Херцеговина  
Regulatorna agencija za komunikacije  
Регулаторна агенција за комуникације



Broj: 06-29-2888-4/12

Sarajevo, 15. 03. 2012. godine

Bosna i Hercegovina  
Parlamentarna skupština Bosne i Hercegovine  
Dom naroda  
n/r Dr. Dragan Čović, predsjedatelj  
Trg BiH 1  
71000 Sarajevo

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

02-04-2012

PRIMLJENO:	Operativno jedinica	Klasifikaciona oznaka	Godni broj	Broj priloga
			02-50-6-16-4/11	

**Predmet: Odgovor na izaslaničko pitanje**

U vezi sa Vašim dopisom od 13. 03. 2012. godine kojim obavještavate Regulatornu agenciju za komunikacije BiH o nedostavljanju odgovora na izaslaničko pitanje Mehmeda Bradarića postavljeno na 7. sjednici Doma naroda Parlamentarne skupštine BiH, održanoj 01. 12. 2011. godine, obavještavamo Vas o sljedećem:

Naime, odgovor na navedeno pitanje je, 22. 12. 2011. godine, br. 06-29-2888-2/11, greškom poslat na adresu Generalnog tajništva Vijeća ministara kao odgovor na pitanje izaslanika Šemsudina Mehmedovića.

Uz iskreno izvinjenje izaslaniku Mehmedu Bradariću, ponovo dostavljamo odgovor na pitanje:

*„Da li je Regulatorna agencija za komunikacije usvojila akt kojim se pobliže uređuje ostvarivanje prava na dodatak na platu i koja su to radna mjesta koja se opisuju ko najstroženiji stručni poslovi u vezi sa obavljanjem dužnosti regulatora za koja se prima dodatak na platu s obzirom da 70 zaposlenih prima navedeni dodatak?“*,

obavještavamo Vas da je:

Odredbama člana 26., stav (1), tačka e) Zakona o platama i naknadama u institucijama Bosne i Hercegovine („Službeni glasnik BiH“, br. 50/08 i 75/09), propisano je da dodatak na platu po osnovu posebnih uslova radnog mjesta imaju lica koja obavljaju najstroženije stručne poslove direktno vezane za obavljanje dužnosti regulatora u regulatornim organima najviše do 50% osnovne plate, kao i da

upravno tijelo regulatora, na prijedlog direktora, usvaja akt kojim se detaljnije reguliše ostvarivanje prava na dodatak na platu za najstroženije stručne poslove vezane za obavljanje dužnosti regulatora.

Na osnovu prethodno navedenog zakonskog ovlaštenja, Vijeće Regulatorne agencije za komunikacije (Vijeće Agencije), usvojilo je Odluku o uslovima i načinu ostvarivanja prava na dodatak na platu po osnovu obavljanja stručnih poslova direktno vezanih za funkciju regulatora zaposlenih u Regulatornoj agenciji za komunikacije, koja je javno objavljena u „Službenom glasniku BiH“, br. 105/08, sa izmjenama i dopunama u „Službenom glasniku BiH“, br. 87/09, 28/10, 40/10 i 85/10. Naznačenom Odlukom, detaljno su regulisani uslovi za ostvarivanje prava na regulatorni dodatak, kao i način utvrđenja, te visina regulatornog dodatka za pojedina radna mjesta predviđena Pravilnikom o unutrašnjoj organizaciji Regulatorne agencije za komunikacije.

Članom 1., stav (2) Odluke, propisano je da pravo na regulatorni dodatak imaju zaposlenici Agencije čija su radna mjesta pobrojana u članu 5. Odluke, odnosno, zaposlenici koji obavljaju isključivo najstroženije stručne poslove koji su, u potpunosti ili djelomično, izravno vezani za vršenje funkcije regulatora, a koji su propisani Zakonom o komunikacijama („Službeni glasnik BiH“, br. 31/03, 75/06 i 32/10), odlukama Vijeća ministara Bosne i Hercegovine, posebno Odlukom o politici sektora telekomunikacija Bosne i Hercegovine („Službeni glasnik BiH“, br. 9/02, 12/02 i 103/06), Odlukom o usvajanju politike sektora emitovanja u Bosni i Hercegovini („Službeni glasnik BiH“ br. 18/07) i Odlukom o državnom doprinosu za korištenje radiofrekvencijskog spektra („Službeni glasnik BiH“ br. 1/07), pravilima, kodeksima i drugim propisima Agencije, te izričito pobrojani u članu 19. Pravilnika o unutrašnjoj organizaciji Regulatorne agencije za komunikacije.

Shodno članu 4. Odluke, visina regulatornog dodatka (za radna mjesta koja imaju pravo na regulatorni dodatak) utvrđena je u procentu od osnovne plate pripadajuće odgovarajućem radnom mjestu, koji se kreće u rasponu od 10% do najviše 50%, zaokruženo na pet, te može iznositi 10%, 15%, 20%, 25%, 30%, 35%, 40%, 45% ili 50% pripadajuće osnovne plate, u ovisnosti od toga koliki postotak poslova i zadataka konkretnog radnog mjesta je izravno vezan za poslove vršenja funkcije regulatora, propisane članom 2. Odluke.

Dakle, naznačenom Odlukom je tačno naveden naziv radnog mjesta organizacione jedinice i visina regulatornog dodatka što je, potom, ugrađeno u ugovor o radu za one zaposlenike Agencije koji ostvaruju pravo na regulatorni dodatak.

U Regulatornoj agenciji za komunikacije, pravo na regulatorni dodatak trenutno ostvaruje 69 zaposlenika u odnosu na ukupan broj zaposlenika (114), s tim da je Pravilnikom o unutrašnjoj organizaciji Regulatorne agencije za komunikacije predviđeno ukupno 168 radnih mjesta.

S poštovanjem,

Rukovodilac Sektora za odnose sa javnošću



Amela Odobašić

PRILOG:

Dostavljeno:

-naslovu

-arhiva